

WORCESTER-SHIRE.



ORNAVIOURVM regio altera mutato nunc nomine, *Wigorniensis Comitatus* Latine, *Wipe-cear-tepcepe* Anglo-Saxonice à primario oppido *Worcester-shire* vulgo dicitur, cujus incolæ cum circumvicinis, Bedæ ætate priusquam

Wiccii. Anglia in Comitatus describeretur, WICCII vocabantur. Quod nomen si à sinuoso flumine, quod accolunt, non sit inditum (fluminis enim sinus *WVic*, ut jam diximus, vocarunt Saxones) à salinis factum videatur, quas *WViches* prisca Angli sua lingua nominarunt. Salinæ enim hic sunt nobilissimæ, pluresque falsi fontes sæpius reperi, qui tamen obstructi, eo quod cautum (ut antiquis schydis legitur) uno solummodo loco sallem excoqui, ut sylvis sit prospectum. Nec mirum utique sit à salinis loca denominari, cum plurima passim in singulis regionibus occurrant, & majores nostri Germani, ut author est Tacitus, hujusmodi loca proxime propinquare coelo, precesque mortalium à Diis nusquam propius exaudiri religiose crediderint.

Hæc regio, cui collimitant ab Ortu Warwicenses, à Meridie Glocestrenses, ab Occasu Herefordenses, & Salopienses, atque ab Aquilone Staffordenses, ut uno verbo dicam, celum & solum adeo propitium habet, ut salubritate & ubertate vicinis non concedat: pyrorumque, si qua alia, inprimis ferax, quæ licet delicatulis minus sunt grata, & fugaciora, ex eorum tamen vinoso succo fictitium vinum *Pyrry* dictum conficiunt, quo plurimum utuntur, quamvis sit, ut id genus alia, & frigidum & flatulentum. Nec ab aqua sane minus est felix, gratissima enim ubique sunt flumina, quæ pisces deliciores affatim suppeditant. Ut enim quæ obscurioris sunt notæ omittam, per mediam regionem à Septentrione in Meridiem fecundantem alveum intendit *Sabrina* flumen nobilissimus, & partem Australem perfundit *Avona*, qui à Warwicensibus descendit, ut *Sabrinam* adeat.

Sabrina primum in ipso ingressu inter *Kidderminster* & *Beawdley* interlabitur. Hoc à bello situ merito sic dictum, amœnissime in declivi colle flumini ad Occasum impendit, nuper suspicienda arborum proceritate in *WVre* saltu adjuncto, quæ jam fere evanuerunt, notum. Vnde Poëta noster antiquarius Lelandus.

*Delicium rerum Bellus locus undique floret,
Fronde coronatus Viriane tempora sylva.*

Nunc vero sua tantum amœnitate & elegantia, nec non regiis ædibus *Tickenhall*, quas in *Arthuri* Principis secessum construxit *Henricus* Septimus, celebratum oppidulum. Illud autem *Kidderminster* è regione ad Ortum sed à ripa remotius, quod etiam *Kidderminster* dictum, oppidum sane nitidum, & rerum venalium forum inprimis frequens, *Stoure* fluviolo interfuso divisum, cui nunc maximo sunt ornamento Ecclesia perpulchra, in qua ex insigni *Cockseiorum* stirpe non-

nulli inhumati, & speciosæ ædes claræ equestris familiæ *Blountorum* ex illis de *Kinlett* propagatæ: olim vero notissimus hic locus Dominis suis *Bissetis* viris suo sæculo longe amplissimis, quorum hæredia opima demum inter sorores distracta, partim ad Barones de *Abergevenny* devenerunt, partim ad leprosarum domum in agro Wiltonensi, quam ex sororibus altera *Elephantias* ipsa affecta *Elephantiacis* construxit, & suo patrimonio locupletavit. Postea Baronem suum habuit *Iohannem* de *Beauchamp*, qui à *Richardo* Secundo, cui *Seneschallus* erat hospitii, diplomate *Baro* *Beauchamp* de *Kidderminster* erat creatus, & mox à tumultuantibus cum plebe Baronibus, qui Regi charissimos ad reipublicæ male administratæ rationem reddendam proculcata Regis autoritate vocarunt, in Regis invidiam cum aliis viris clarissimis damnatus & capite fuit obtruncatus.

Obliquior inde *Sabrina* *Hertelbury* *Wigornien-* sium episcoporum castrum non procul distitum salutans, ad *Holt* à sylva densiori sic dictum, quondam *Abbotorum*, postea *Beauchamporum* castrum se confert, qui à *Guilielmo* *Beauchamp* cognomine *Barone* *caco* propagati in honoratissimam succreverunt familiam, cujus hæreditas per femellas ad *Gyse*, & *Peniston* tandem devenit. Hinc defluit *Sabrina* tot fluviatiles murenas alens, ut vivarium hoc in loco illis fecisse videatur natura, cujusmodi olim crescente luxu, excogitarunt Romani. *Lampreyes* à Latinorum *Lampetra*, quasi à lambendis petris vocamus, quæ anguillis similes sunt lubricæ & nigricantes, prona tamen parte non nihil cærulei, utroque gutturi latere septenis paribus foraminibus acceptam aquam admittunt, cum branchiis omnino careant. Verno tempore maxime probantur utique suavissimæ, æstate namque indurescit nervus interior, qui illis pro spina. Delicatiores vero faciunt Itali condimento peculiari, vino enim Cretico necant, nuce myristica os claudunt, foramina totidem *Garyophyllis* adimplent, convolutamque in spiras additis avellanis tritis, medulla panis, oleo, vino Cretico, aromatibusque ad temperatores prunas tertis momentis in tegano sedulo excoquant. Sed quid mihi cum re coquinaria, & Apicio.

Infra *Holt* Orientalem ripam *Sabwarpo* amni adventanti *Sabrina* patefacit, qui è Septentrionali regionis parte promanans per *Bromesgrave* non ultimæ fortis mercatum defluit, haud procul à *Grafton* inclytæ familiæ *Talbottorum* sede, quam *Rex* *Henricus* Septimus *Gilberto* *Talbott*, *Ioannis* Secundi *Salopiæ* Comitatus filio minori donavit; quem etiam ob bellicam virtutem, & eximiam prudentiam in *Georgiani* ordinis societatem cooptavit, & *Caleto* in *Gallia* præfecit. Hinc *Sabwarpus* ad *Droitwich* delabitur, (*Droitwich* aliqui vocant, à salinis & subhumido situ, ut *Hyet* *Boetia* à lutofo situ dictus) ubi tres fontes gignendo sale fecundi, fluviolo falsedinis experinterfluenti divisi, peculiari naturæ dote scaturiunt, è quibus sal purissimus &

Vuuu 2 can-

Baro
Beauchamp
de *Kid-*
dermin-
ster.

Hertelbury.
Holt
prisca
Anglis
sylvas vel
saltus.

Murenæ
Lam-
preyes.

Grafton.

Droitwich.
Fontes
salii.

Pyrry
potus è
pyris.

Kidder-
minster.
Beawdley.